

HUELGA Y RETIRO A SER PROHIBI PA CARNAVAL

ORANJESTAD(AAN)—Durante periodi di carnaval, segun decreto 3 di e proclamacion di prins y pancho di carnaval 82, ta prohibi pa comercio importa tela cu no ta resisti awa. E medida aki a ser tuma como precausion, ya cu ultimamente tabata tin hopi molester di awacero y prins y pancho no kier pa esaki stroba e gran parada di carnaval.

Usando un tela manera di regenjas, awacero por bahsa cuanto cu e kier, participantenan por sigui jump te bay goal, e publico no mester di core sconde bao di auto y docternan ta keda nanishi largo.

"En vista cu estudionan profundo haci pa un grupo renombra di expertonan ariba tereno di carnaval a trece na cla cu prome cu

tur cos mester elimina e factornan cu por causa preocupacion y malcontento, nos a prohibi terminantemente durante e periodo di carnaval negociacionnan ariba CAO nan nobo y kitamento di hende for di trabao.

"Tur trahador lo haya automaticamente 25 porciento di aumento y esnan cu dicidi na strike toch ta haya un año di huisarrest incondicional. Mediador ya ta na altura di e decision aki. Pa crea mas ambiente ainda, nos ta exigitur hende, tanto empleadonan como dunadonan di trabao, pa bay traha cu nan disfraz bisti. Pa e miho disfraz tin premio disponible", segun proclamacion y decreto di Prins Carnaval y Pancho Sin Igual.

PRINS Y PANTCHO A NOMBRA COMISION DI 7 NOBO

ORANJESTAD(AAN)—Den nan proclamacion, mediante decreto 5, cu ta basa ariba futuro estructura estatal, Prins Carnaval y pancho Sin Igual a nombra un comision di 7 nobo.

Nan ta bisa cu nan cu tin hopi experiencia den trahamento di comision y no den trahamento pa un comision, ta di opinion cu pa buena marcha di carnaval, un comision nobo ta na su lugar, y nan a dicidi pa institui otro comision di 7.

Den e comision aki Prins Carnaval ta presidente, Pancho Sin Igual ta secretario, y e demas miembronan ta Rey di Calypso, Rey di Tumba, Rey di Wals, Rey di Roadmarch y reina di Carnaval.

Un di e prome tareanan di e comision aki ta pa introduci na Universidad, un facultad di Carnavalogia, pa asina otro año lo tin entregamento di "bull". E ora ey por tin Dr. Prins y Drs. Pancho, tambe algun Mr. Dr. Ing den bailamento di tumba, calypso y wals.

E comision di 7 tin ariba presupuesto PM (pa Mop) placa pa mopnan cu ta sali for di e 'stuuwmeer' of "fondo di mas año" cu Hulanda tin reserva. A dicidi di recluta tur empleadonan di NDC(Nothing Doing Company) pa mop caya segun e ruta di parada y pa asina seca e gallonnan di sodo cu ta basha ariba caminda. Esaki ta un medida di seguridad pa ningun hende slip dal abao.

Otro medida ta cu pa e chabalitonan di mitar di

100 año bay ariba tin rolshcaatsnan disponibel na e stacionnan di Cruz Corra. E roller Boogies nan aki por ser haya gratis. E medida di seguridad aki lo ta pa ningun hende sali na mitar di e paradanan mas.

Encuanto e mei cent cu tin disponibel pa deporte Prins y Pancho den nan proclamacion a decreta (10) pa SAC tambe bini na consideracion pa haya

algo. Esaki lo ta 70 porciento di e total pasobra Carnaval tambe ta ser considera como deporte y no ta solamente goza.

E paradanan por ser considera como un mini maraton, jogging, careda cortico, careda largo, bula halta y te hasta boxeo tin de vez en cuando.

E 30 porciento restante por bay pa ASU y Idefre.



E parlamentario Frank Croes coronando reina di carnaval di distrito di Paradera, Marlene Heymering.